

EKONOMSKI FAKULTET U SARAJEVU, ul. Trg oslobođenja – Alija Izetbegović broj 1, koga zastupa dekanesa Fakulteta, prof. dr Jasmina Selimović (u daljem tekstu: Korisnik usluga)

i

JAVNA USTANOVA KANTONA SARAJEVO, ZAVOD ZA ZDRAVSTVENU ZAŠTITU STUDENATA UNIVERZITETA U SARAJEVU, ul. Patriotske lige br. 36, 71000 Sarajevo, koju zastupa v.d. direktor prim. dr. Žana Pozderac, (u daljem tekstu: Davalac usluga),

nakon provedenog postupka javne nabavke putem postupka dodjele ugovora o uslugama iz Aneksa II Dio B. Zakona o javnim nabavkama i Odluke o dodjeli ugovora broj 01-3-5276-U-10-13/18 od 23. 10. 2018. godine, zaključili su dana 01. 11. 2018. godine

U G O V O R

o pružanju usluga sanitarnog i sistematskog pregleda radnika

PREDMET UGOVORA:

Član 1.

Predmet ugovora je pružanje usluga sanitarnog i sistematskog pregleda radnika Ekonomskog fakulteta u Sarajevu u školskoj 2018/2019. godini, a u skladu sa članom 121. Zakona o visokom obrazovanju («Sl. novine Kantona Sarajevo», br. 33/17), prema ponudi koja je sastavni dio ugovora. Oznaka i naziv iz JRJN: 85140000-2 (Razne zdravstvene usluge).

Član 2.

Usluge iz člana 1. ovog ugovora obaviti će se u periodu od 10 dana, od dana obostranog potpisivanja ugovora na lokaciji: JAVNA USTANOVA KANTONA SARAJEVO, ZAVOD ZA ZDRAVSTVENU ZAŠTITU STUDENATA UNIVERZITETA U SARAJEVU, ul. Patriotske lige br. 36, 71000 Sarajevo.

Termini ljekarskog pregleda utvrđuju se dogovorom između davaoca usluga i korisnika usluga prema spisku radnika korisnika usluga.

Ispred korisnika usluga ovlašćeno lice za koordinaciju pružanja usluga iz člana 1. Ugovora je Mevlida Pljevljak.

USLOVI I NAČIN PLAĆANJA:

Član 3.

Korisnik usluga će za usluge koje su predmet sanitarnog i sistematskog pregleda radnika isplatiti davaocu usluga ukupan iznos od 10.878,91 KM (slovima: deset hiljada osam stotina sedamdeset osam i 91/100 KM), sa PDV-om¹, a po završenom poslu i

¹ PDV u iznosu od 991,01 KM se naplaćuje za usluge sistematskog pregleda radnika.

podnesenom Izvještaju o broju korisnika usluga, odnosno radnika i rezultata sanitarnog i sistematskog pregleda.

Član 4.

Davalac usluga dužan je:

- obezbijediti tehničke i ljudske resurse za brzo i kvalitetno obavljanje usluga;
- zdravstvene usluge obaviti u skladu sa ljekarskom etikom i savješću;
- po izvršenim uslugama, ljekarske nalaze dostaviti Službi za pravne i personalne poslove i
- izdati Uvjerenje o ljekarskom pregledu koje treba da sadrži podatke da li je korisnik usluga alkoholičar, ovisnik o narkoticima, odnosno lice koje boluje od zarazne, odnosno duševne bolesti u smislu člana 121. Zakona o visokom obrazovanju («Sl. novine Kantona Sarajevo» br. 33/17).

Član 5.

Korisnik usluga dužan je da u dogovorenom terminu obavi usluge iz člana 1. Ugovora prema rasporedu koji dogovore davalac i ovlašćeno lice korisnika usluga.

Član 6.

U slučaju više sile, odnosno događaja koji se ne može predvidjeti ni jedna strana nije odgovorna za ispunjenje ugovornih obaveza.

Član 7.

Sve eventualne sporove, ugovorne strane će rješavati sporazumno u duhu dobrih poslovnih odnosa, u suprotnom nadležan je Sud u Sarajevu.

Član 8.

Ugovor stupa na snagu danom obostranog potpisivanja.

Član 9.

Ugovor je sačinjen u 4 (četiri) istovjetna primjerka, od kojih svaka ugovorna strana zadržava po 2 (dva).

KORISNIK USLUGA:

Ekonomski fakultet

Dekanesa

Prof. dr. Jasmina Selimović

Broj: 01-03-5276-U-10-15/18

DAVALAC USLUGA:

JUKS ZAVOD ZA ZDRAVSTVENU ZAŠTITU
STUDENATA UNIVERZITETA U SARAJEVU

V.d. direktor

Prim. dr. Zana Pozderac

Broj: 01-03-5276-U-10-15/18